

ԼԵՌՆԱՅԻՆ ՂԱՐԱԲԱԴԻ ՀԱՆՐԱՊԵՏՈՒԹՅԱՆ ԳԵՐԱԳՈՒՅՆ ԽՈՐՃՐՈՒ և
ՊԱՇՏՊԱՆՈՒԹՅԱՆ ՊԵՏԱԿԱՆ ԿՈՄԻՏԵՏԻ ՓՈԽՎԱՐԱԲԵՐՈՒԹՅՈՒՆՆԵՐԸ
(1992թ. օգոստոս - 1993թ. մարտ)*

Տարոն Հակոբյան

Քանալի բառեր՝ ԼՂԴ Գերագույն խորհուրդ, ԼՂԴ պաշտպանության պետական կոմիտե, Արցախյան հիմնախնդիր, ԼՂԴ Նախարարների խորհուրդ, բանակցային գործընթաց, ինքնապաշտպանության ուժեր:

1992թ. հունիսի 2-6-ը տեղի ունեցած Լեռնային Ղարաբաղի Հանրապետության (ԼՂԴ) առաջին գումարման Գերագույն խորհրդի (ԳԽ) առաջին նստաշրջանից, ինչպես նաև Աղրեցանի կողմից անսպասելի և շատ կարծ ժամանակամիջոցում Շահումյանի ու Սարտակերտի շրջանի մի մասի բռնազավրումից հետո ԼՂԴ և Հայաստանի Հանրապետության (ՀՀ) իշխանությունների միջև փոխհարաբերությունները մնում էին չհաստակեցված և մոտալուս լիցքաբախման հոլուսեր չեն ներշնչում: Դրանից ենելով դեռևս 1992թ. հուլիսի 18-ին ԼՂԴ Գերագույն խորհրդի (ԳԽ) նախագահության նիստում քննարկվեց ՀՀ-ԼՂԴ փոխհարաբերությունների հարցը: Հաշվի առնելով երկու հայկական հանրապետությունների փոխհարաբերությունների նման վիճակը, ինչպես նաև ելենով արցախյան հիմնահարցի ըմբռնման գործում պաշտոնական երևանի դիրքորոշումը պարզելու անհրաժեշտությունից ԼՂԴ ԳԽ նախագահությունը որոշում կայացրեց՝ ՀՀ իշխանությունների հետ բանակցություններ սկսելու նախատակով ՀՀ ուղարկել ԼՂԴ ԳԽ նախագահության պաշտոնական պատվիրակություն հետևալ կազմով: Գ. Պետրոսյան, Վ. Հակոբյան, Վ. Աղաբայյան, Վ. Ալեքսանյան, Գ. Բարուրյան, Վ. Ղազարյան, Յ. Խաչատրյան[1]:

Բանակցությունների ընթացքի վերաբերյալ կան տարբեր կարծիքներ, սակայն, հաշվի առնելով այդ ժամանակաշրջանի որոշ քաղաքական գործիքների վկայությունները[2] և ուսումնասիրելով հուլիսի 27-ի ԼՂԴ ԳԽ նախագահության նիստի սղագրությունը, որտեղ ներկայացված են ՀՀ իշխանությունների հետ բանակցած ԼՂԴ ԳԽ նախագահության պաշտոնական պատվիրակության անդամների կարծիքները, գալիս ենք այն եղանական անդամների, որ ՀՀ նախագահը ձգուում էր ծերազատվելու ԼՂԴ ԳԽ նախագահության «անհնազանդ» անդամներից՝ պահանջելով ստեղծել մի ռազմաքաղաքական կամ պետական խորհուրդ եւ նրան փոխանցել օրենսդիր ու գործադիր մարմինների բոլոր պարտականությունները: Եվ կարելի է կրահել, թե ինչու օգոստոսի 11-ին հանրապետության Նախարարների խորհրդի (ՆԽ) նախագահ Օ. Եսայանը դիմեց ԳԽ նախագահությանը՝ իր հրաժարականի հարցը քննարկելու խնդրանքով: Նա իր այդ քայլը բացատրում էր իշխանության գոյություն ունեցող կառույցների և ռազմական իրավիճակի պահանջների անհամապատասխանությամբ և առաջարկեց մինչեւ 1992 թ. վերջը հանրապետությունում ռազմական դրություն մտցնել, ինչպես նաև ստեղծել ինչ-որ մարմին և ԼՂԴ ԳԽ-ի ու ՆԽ-ի լիազորությունները հանձնել այդ մարմնին: Իսկ հաջորդ օր՝ օգոստոսի 12-ին, նույն հրաժարականի հարցով երկրորդ անգամ ԼՂԴ ԳԽ նախագահությանը դիմեց նախագահի պաշտոնակատար Գ. Պետրոսյանը, սակայն նախագահությունը դարձալ որոշեց մերժել Գ. Պետրոսյանի հրաժարականի դիմումը:

1992 թ. օգոստոսի 15-ը դարձավ ԼՂԴ-ի պատմության մեջ մի նոր ուղենիշային տարեթիվ: այդ օրը տեղի ունեցավ ԼՂԴ ԳԽ և ՆԽ համատեղ նիստը, որը պետք է վճռեն ՆԽ նախագահի հրաժարականի հարցը և լուծում տար ՀՀ նախագահի՝ մի նոր մարմնի

* Հոդվածն ընդունվել է 11.12.2018:

Հոդվածը տպագրության է երաշխավորել ԱրՄՅ պատմության ամբիոնը:

ՄԵՐՐՈԴ ՄԱՀՏՈՅ ՀԱՍԱՍՏԱՐԱՆԻ ԼՐԱՏՈՒ 2019

ստեղծման պահանջի հետ կապված մի շարք խնդիրների [3]: Ընդունվեց ԼՂԴ Նև նախագահ Օ. Եսայանի հրաժարականը: Երկրորդ հարցի վերաբերյալ եղան բազմաթիվ իրարամերժ կարծիքներ, և, ի վերջո, ընդդիմադիր կողմերը եկան փոխհամաձայնության: ԼՂԴ Գիւ նախագահությունը որոշեց ռազմական դրության ռեժիմն իրականացնելու համար «ԼՂԴ պետական անկախության հիմունքների մասին» սահմնադրական օրենքի 9-րդ բաժնի 3-րդ հոդվածին համապատասխան ստեղծել «Պաշտպանության պետական կոմիտե» (ՊՊԿ):

ՊՊԿ նախագահ նշանակվեց Ռ. Քոչարյանը, ՊՊԿ նախագահի առաջին տեղակալ՝ ԼՂԴ Նև նախագահի առաջին տեղակալ Բ. Արուշանյանը, ՊՊԿ նախագահի տեղակալ՝ ԼՂԴ Գիւ նախագահության անդամ, պետական շինարարության, իրավական հարցերի և օրինականության ամրապնդման հանձնաժողովի նախագահ Կ. Բաբուրյանը: ՊՊԿ կազմի մեջ ընդգրկվեցին ԼՂԴ Գիւ նախագահության անդամ, պաշտպանության և անվտանգության հանձնաժողովի նախագահ Վ. Բալայանը, ԼՂԴ պաշտպանության կոմիտեի նախագահ Ս. Սարգսյանը, ԼՂԴ ներքին գործերի նախարարի պաշտպանական Ա. Խագովովը, ինքնապաշտպանության ուժերի հրամանատարի առաջին տեղակալ Ա. Բաբյանը:

ՊՊԿ-ին փոխանցվեցին Նև-ի «ԼՂԴ նախարարների խորհրդի մասին» օրենքով նախատեսված բոլոր պարտականությունները, ռազմական դրության ռեժիմի իրականացման այն լիազորությունները, որոնք նախատեսված են «Ռազմական դրության մասին» ԼՂԴ Գիւ նախագահության 1992 թ. օգոստոսի 13-ի հրամանագրով: ԼՂԴ Գիւ նախագահության մի շարք լիազորություններ նույնպես փոխանցվեցին ՊՊԿ-ին: ՊՊԿ նախագահին օժտվեց ԼՂԴ Նև նախագահի լիազորություններով: ՊՊԿ նախագահին պարտավորեցվում էր 6 ամիս հետո իր գործունեության հաշվետվությունը ներկայացնել Գիւ:

Առաջին հայացքից տպավորություն է ստեղծվում, թե կենտրոնացված իշխանական համակարգը այդ դժվար պարագայում պետք է արդարացված լիներ, սակայն հետագայում, պետաշխնարարական գործընթացը ուսումնասիրելով և վերլուծելով, հանդիպում ենք մի շարք թերությունների:

Կարծես թվում էր նաև, թե ՊՊԿ-ի ստեղծումով կիարեքի ԼՂԴ օրենսդիր մարմնի եւ ՀՀ ղեկավարության փոխհարաբերությունները, սակայն բանակցային գործընթացում (1992թ. օգոստոսի 27-ի Ալմա Աթայի եւ Սոչիի սեպտեմբերի 19-ի համաձայնագրերը) տեղի ունեցած տարածայնությունները նորից պատճառ հանդիսացած երկողմ հարաբերությունների վատթարացմանը: Կարելի է ասել, որ բանակցային գործընթացում ՀՀ նախագահը նորից չէր վստահում ԼՂԴ օրենսդիր իշխանությանը: Ուստի հակառակ թևը սկզբնական շրջանում փորձեց ուղիներ որոնել և բարելավել հարաբերությունները ՀՀ իշխանությունների հետ: Այդ առնչությամբ 1992թ. հոկտեմբերի 13-ին ԼՂԴ Գիւ նախագահության պաշտոնական պատվիրակությունը՝ Գիւ-ի նախագահի պաշտոնականատար Գ. Պետրոսյանի գլխավորությամբ այցելեց Երևան և հանդիպումներ ունեցավ՝ ՀՀ նախագահ Լ. Տեր-Պետրոսյանի հետ: Այդ հանդիպումների նպատակն էր պարզել՝ արդյո՞ք փոփոխություններ տեղի չեն ունեցել ԼՂԴ հանդեպ վարած ՀՀ քաղաքականության մեջ, մանավանդ, երբ ԼՂԴ վերաբերյալ վերջին երկու համաձայնագրերը կայացվել էին առանց ԼՂԴ ներկայացուցիչների մասնակցությամբ[4]: Սակայն կարելի է եզրակացնել, որ բանակցություններն անցել են անարդյունք: Պատճառը երևի պարզ է: ՀՀ-ում Արցախյան հիմնախնդիրը պետք է շահարկվեր ներքին կայունությունը պահպանելու համար:

Այդ հանդիպումներից հետո սկսվեց նորից սրվել ԼՂԴ ներքաղաքական դաշտը: Որոշակի տարածայնություններ արդեն նկատվեցին ՊՊԿ-ի և Գիւ-ի նախագահության միջև՝ ԼՂԴ օգոստության հիմնադրամի ստեղծման վերաբերյալ: Հիմնադրամ ստեղծելու մասին ԼՂԴ Գիւ-ի նախագահությունը որոշում էր ընդունել դեռևս 1992թ. նոյեմբերի 30-ին, որը նպատակ ուներ կենտրոնացնելու հանրապետությունում մուտք գործող օգնությունը: Այդ առնչությամբ ՊՊԿ-ի նախագահը դեմ դուրս եկավ ԼՂԴ Գիւ որոշման դեմ[5]: Կարծում ենք ՊՊԿ-ի նախագահի նման վերաբերմունքի պատճառ կարող էր

ՄԵԽՐՈԴ ՄԱՀՍՈՅՑ ՀԱՄԱՍԱՐԱՆԻ ԼՐԱՏՈՒ 2019

հանդիսանալ այն, որ հիմնադրամը ստեղծվում էր ԼՂՀ Գև նախագահության վերահսկողության մերքը, իսկ դա արդեմ հուշում էր որոշակի ֆինանսական և այլ կախվածություն ԼՂՀ Գև-ի նախագահությունից:

Ենտագյուն տարբեր պատճառներով ի հայտ եկան բացահայտ առձակատումներ, որոնք հանգեցրին ինչպես նաև ճնշումների՝ ԼՂՀ Գև-ի նախագահության անդամների եւ Գև-ի որոշ պատգամավորների վրա[6]: Վերլուծելով ստեղծված իրավիճակը կարելի է գալ այն եղանակները, որ ՅՅ նեկավարությունը ՊՊԿ-ի լծակներով փորձում էր նորից պատժել ԼՂՀ Գև նախագահության «անհնազանդ» անդամներին:

1993թ. փետրվարի սկզբներին Արցախի իշխանությունների միջնու գոյություն ունեցող հակասությունները թևակոխնեցին մի նոր շրջան: Փետրվարի 10-ին Աղրբեջանի կողմից ուղղակի ԼՂՀ տարածքի բռնազավթման կապակցությամբ ԼՂՀ Գև-ի նախագահությունը որոշում կայացրեց 3 ամսով մինչև 1993թ. նայիսի 12-ը, երկարածգել 1992թ. օգոստոսի 12-ի ԼՂՀ Գև-ի նախագահության հրամանագրով ԼՂՀ ողջ տարածքում ռազմական դրության ժամկետը[7]: Նոյն որոշմամբ՝ ռազմական դրության հայտարարման կապակցությամբ ստեղծված ՊՊԿ-ն պետք է փետրվարի 18-ին ԼՂՀ Գև-ի նախագահությանը ներկայացներ հաշվետվություն անցած 6 ամսվա ընթացքում կատարած աշխատանքի վերաբերյալ: Ինչպես նաև առաջիկա այդ 2 օրերին ՊՊԿ-ն պետք է ԼՂՀ Գև-ի նախագահությանը հանձներ իր ընդունած որոշումները, կարգադրություններն ու այլ փաստաթղթեր: Փետրվարի 12-18-ը փորձագետները պետք է ճշտեին դրանց օրինականությունը:

Այդ առնչությամբ ՊՊԿ-ի նախագահ Ռ.Քոչարյանը նամակ հղեց ԼՂՀ Գև-ի նախագահությանը, ուր նշված է. «Անհրաժեշտ են համարում իմ վերաբերնունքը արտահայտել ԼՂՀ Գև-ի նախագահության «ԼՂՀ ՊՊԿ-ի 6 ամսվա գործունեության մասին» հաշվետվությունը լսելու եւ ԼՂՀ Գև-ի նախագահության «ԼՂՀ-ում ռազմական դրությունը երկարածգելու հրամանագրի մասին» 1993թ. փետրվարի 10-ին ընդունած որոշման վերաբերյալ:

Մատնանշված փաստաթղթերը վկայում են այնպիսի մի լուրջ հարցի նկատմամբ, ինչպիսին ռազմական դրության մասին հարցն է, մակերեսային մոտեցման մասին:

ԼՂՀ Գև-ի նախագահության ռազմական դրությունը երկարածգելու ժամկետի անհրաժեշտության մասին մեր կողմից հղված նամակում ծևակերպված են եղել այդպիսի առաջարկության հիմնական շարժարիթմները, սակայն դրանք հաշվի չեն առնվել:

Ռազմական դրության երամյա ժամկետու ոչ մի կերպ չի կարող նպաստել ռազմական դրության կամոնակարգի, ոչ մի լուրջ ու երկարաժամկետ միջոցառման հրականացմանը, պաղեցնում է ինքնապաշտպանության շարքերում ծառայելու մորիլիզացվածներին: Ռազմական դրության ժամկետի այդպիսի կարճատև երկարածգումը դավագրում է զորակոչման ենթակա անձանց և նրանց տանում բոլոր ծևերով դրանից խուսափելուն ու սպասողական դիրք գրավելուն: Հատկապես պետք է ընգծել այն պարագան, որ նման որոշումը թյուրիմացության մեջ է զցում ՍԱԿ-ի գլխավոր քարտուղարին, ՍԱԿ-ի Անվտանգության խորհրդին, միջազգային մյուս կազմակերպություններին և հանրապետության բնակչությանը: Ստեղծվում է Արտ.3 կողմից իր ռազմական գործողությունները դադարեցնելու ենթադրյալ տպավորություն: Իսկ Աղրբեջանի բարձրաստիճան դեկանական բազմից արած հայտարարությունները, մորիլիզացումը շարունակելը և ռազմաճակատի բոլոր տեղամասերում մարտական գործողությունների ակտիվացումը հաստատում են պատերազմ շարունակելու հաստակ գիծը, որի նպատակը ԼՂՀ ամբողջ տարածքի լրիվ բռնազավթում է:

Ինչ վերաբերում է ԼՂՀ Գև-ի նախագահության հրամանագրին, որում հիշեցվում է ԼՂՀ ՊՊԿ-ի գործունեության ժամկետի մասին, ապա այդպիսի ժամկետ չի հաստատվել: Ռազմական դրության կարգավիճակի ժամկետը, որն իրականացնելու է կոչված ԼՂՀ ՊՊԿ-ն, երկարածգում է, և այդ մասին տեղեկությունը կարող է քննարկվել միայն այդ ժամկետը լրանալուց հետո:

Անհականալի է նաև ԼՂՀ ՊՊԿ-ի գործունեության ժամանակահատվածում ըն-

ՄԵԽՐՈԴ ՄԱՀՍՈՅՑ ՀԱՍԱՍՏԱՐԱՆԻ ԼՐԱՏՈՒ 2019

դունված բոլոր կարգադրություններն ու որոշումները ԼՂՀ Գև-ի նախագահությանը ներկայացնելու հարցադրումը: Յաշվի առնելով, որ ՊՊԿ-ն միաժամանակ իրականացնում է և ԼՂՀ Նե-ի դերը, ամցած ժամանակամիջոցում ընդունվել են նորմատիվային և օպերատիվ բնույթի մեջ թվով փաստաթղթեր, որոնց մի մասը անհրաժեշտության դեպքում ուղարկվել է ԼՂՀ Գև-ի նախագահություն:

Այսպիսով ճամսված ընթացքում փաստորեն ոչ մի հետաքրքրություն չցուցաբերելով ռազմական դրության կանոնակարգի իրականացման հարցերի նկատմամբ, չփորձելով ՊՊԿ-ին որևէ աջակցություն ցույց տալ նրա առջեւ կանգնած խնդիրները լուծելու գործում, Գև-ի նախագահությունը ընտրել է նրա վրա այսպես ասած «ներգրքելու» անընդունելի ծևը: Եվ Վերջապես տարակուսանք է հարուցում ռազմական դրության հարցը՝ առանց ՊՊԿ-ի և ինքնապաշտպանության ուժերի կարծիքը հաշվի առնելու, իսկ առավել ևս՝ առանց ներկայացուցիչներին հրավիրելու քննարկման դմելը:

Եթե ԼՂՀ Գև-ի նախագահությունը, այնուամենայնիվ, հնարավոր է համարում առանց ՊՊԿ-ի և ԻՊՈՒ-ի ուղղակիրեն լուծել պաշտպանական բնույթի հարցերը, ապա առաջարկում եմ, որ նախագահությունն իր վրա վերցնի ռազմական դրության կանոնակարգի իրականացման գործունեությունը և այստեղից բխող ողջ պատասխանատվությունը:

Փետրվարի 14-ին ԼՂՀ Գև-ի մանդատային, մարդու իրավունքների, պարկեշտության և ազգությունների մշտական հանձնաժողովի նախաձեռնությամբ հրավիրվեց ԼՂՀ Գև-ի պատգամավորների խորհրդակցություն: Յանդիպման ժամանակ, որին մասնակցել են նաև ԼՂՀ ՊՊԿ-ի և ԻՊՈՒ-ի ղեկավարությունը, առաջարկվեց քննարկել ՊՊԿ-ի լիազորությունների լրանալու և ռազմական դրության ժամկետի երկարածման հետ առնչվող հարցեր: ՊՊԿ-ին մոտ շրջանակների ներկայացուցիչները ռազմական դրությունը մինչեւ պատերազմի ավարտը երկարաձգելու և ՊՊԿ-ին լրացուցիչ լիազորություններ տրամադրելու պահանջներ ներկայացրին[9]:

Միաժամանակ հանրապետության ԶԼՄ-երը սանձարձակ արշավ սկսեցին ԼՂՀ Գև-ին հեղինակագրելու նպատակով:

Այդ առնչությամբ փետրվարի 17-ին ԼՂՀ Գև նախագահությունը համեմս եկավ հետևյալ հայտարարությամբ. «Վերջերս ԶԼՄ-ներով քայլեր են ծեռնարկվում հակադրել ԼՂՀ օրենսդիր և գործադիր իշխանություններին, չկշռադատված մեղադրանքներ են հմչում օրինավոր ընտրված ԼՂՀ Գև-ի նախագահության հասցեին:

Պատմության մեջ մեկ անգամ չէ, որ փորձեր են արվել մեր ժողովուրդը երկատել հակամարտող հատվածների, որի հետևանքով նրա լավագույն հատվածը պարբերաբար կամ ոչնչացվել է, կամ տարագրվել: Մենք ողջախոհության ենք կոչում հանրապետության ներքաղաքական իրավիճակի նորմալացմամբ շահագրգիռ բոլոր անձանց և մարմիններին: Ոչ ոք իրավունք չունի մոռամալու, որ ինքը հսկայական պատասխանատվություն է կրում Արցախի և ողջ Յայսատանի ճակատագրի համար: Պատմությունը մեզ եղակի հնարավորություն է ընձեռնել անմնացորդ ավանդ մուծելու ժողովրդի ազատագրման և միավորման գործին, և ոչ չի ների մեզ, եթե ձեռքից բաց թողնենք այդ հնարավորությունը»[10]:

Նոյն օրը իրապարակվեց Արցախի ժողովրդական ճակատի վարչության հայտարարությունը: Ընդգծելով ՊՊԿ-ի դրական աշխատանքը՝ ժողովրդական ճակատի վարչությունը օրենսդիր մարմնին մեղադրել է անգրքության մեջ[11]: ՊՊԿ-ի հաշվետվությունը լսելու մասին Գև-ի նախագահության որոշումը այդ հայտարարության մեջ բնութագրվել է իրեւ «քաղաքական պատվախնդրության» դրսնորում: Փաստաթղթի հեղինակները Գև-ի նախագահությունից պահանջել են անհապաղ որոշում ընդունել ռազմական դրության ժամկետը 3 ամսով երկարաձգելու և «ընդիուպ մինչեւ պատերազմի ավարտը ռազմական դրության ռեժիմ մտցնելու մասին»: Յայտարարության մեջ պահանջվել է նաև ՊՊԿ-ն վերակազմել Պետական խորհրդի՝ տրամադրելով լրացուցիչ լիազորություններ, և հրավիրել Սահմանադիր ժողով վերջինիս հանձնելով օրենսդրական իշխա-

ՄԵԽՐՈԴ ՄԱՀՏՈՅ ՀԱՍԱՍԱՐԱՆԻ ԼՐԱՏՈՒ 2019

նությունը: Այդ առնչությամբ առաջարկվել է գումարել ԼՂԴ Գիս-ի նստաշրջան:

Նման իրավիճակի պայմաններում ԼՂԴ Գիս-ի նախագահությունը փետրվարի 17-ին նամակ հղեց ՀՀ նախագահ L.Տեր-Պետրոսյանին[12]: Նամակում հաղորդվում էր ՀՀ տնտեսական և քաղաքական իրավիճակի պատճառների, ՀՀ նախագահի և ԼՂԴ օրենսդիր մարմնի փոխհարաբերությունների, ինչպես նաև քանակցային գործընթացում ԼՂԴ դիրքորոշումների անտեսման մասին:

ԼՂԴ Գիս-ի նախագահության և ՊՊԿ-ի միջև քաղաքական հակամարտությունը փետրվարի 18-ին մտավ իր վերջին փուլը: ՊՊԿ-ի նախագահ Ռ.Քոչարյանը չներկայացավ ԼՂԴ Գիս-ի նախագահության ընդլայնված նիստին, ուր պետք է լսվեր ՊՊԿ-ի 6 ամսյա գործունեության հաշվետվությունը: Նիստին նասնակցող ՊՊԿ-ին մոտ կանգնած շրջանակները միաժամանակ արշավ ծավալեցին պահանջելով առանց ՊՊԿ-ի հաշվետվությունը լսելու վերանայել ռազմական դրությունը 3 ամսով երկարաձգելու որոշումը: Նրանք այն կարծիքին էին, որ ռազմական դրությունը պետք է հայտարարվի մինչեւ պատերազմի վերջը:

Նիստում նաև առաջարկվեց ստեղծել փոքր խորհրդարան կամ ընդլայնված նախագահություն նրա կազմում ընդգրկելով ոչ պատգամավորների: Բացահայտելով նման որոշումների կործանարար էությունը երիտասարդ հանրապետության համար՝ Գիս-ի նախագահությունը մերժեց ընդունել որոշումներ, որոնք կարող են հանգեցնել «քրնատիրության» հաստատմանը: Ի վերջո, երկար քննարկումներից և բանավեճերից հետո գործադիր իշխանությունների ներկայացուցիչները ստիպված էին համաձայնելու ողջամիտ միակ տարբերակի հետ՝ իրավիրել նստաշրջան, որը պետք է լսեր ՊՊԿ-ի եւ Գիս-ի նախագահության գեկուցումները և որոշ փոփոխությունների ընդգրկումը Գիշկանոնակարգի մեջ: Այն ակնկալվում էր իրավիրել առաջիկա 1 ամսվա ընթացքում, նստաշրջանի հարցերից մեզան էլ պետք լիներ նաև ԼՂԴ Գիս-ի ղեկավարության թափուր պաշտոնների համար ընտրությունները:

Այս իրադարձությունների կապակցությամբ ՀՀ Գիս-ի մի խումբ պատգամավորներ իրապարկեցին հայտարարություն, որով արտահայտեցին իրենց նտահոգությունը ցավալի միջադեպի առթիվ կատարվածը համարելով Յայաստանի ղեկավարության կոպիտ միջամտության արդյունք, պահանջեցին վերջ տալ ժողովրդավարական եղանակով ստեղծված մարմնի հեղինակության հետ կատարվող խաղին, միասնական ու համերաշխ գործողություն ծավալել ԼՂԴ օրինական պետական մարմնի հովանու ներքո[13]:

Մարտի 21-ին իր աշխատանքը վերսկսեց ԼՂԴ առաջին գումարման Գիս-ի առաջին նստաշրջանը՝ 41 պատգամավորների մասնակցությամբ: Օրակարգում էին հետևյալ հարցերը ԼՂԴ ՊՊԿ-ի հաշվետվությունը, ԼՂԴ ամբողջ տարածքում ռազմական դրության ժամկետի մասին, ԼՂԴ Գիս-ի ժամանակավոր կանոնակարգում և ԼՂԴ Գիս-ի մասին օրենքում փոփոխություններ մտցնելը, ԼՂԴ Գիս-ի նախագահի և նախագահի տեղակալի ընտրությունները, ԼՂԴ Գիս-ի նախագահության հրամանագրերի և օրենսդրական ակտերի ուղղությամբ որոշումների հաստատումը:

ՊՊԿ-ի հաշվետվությունը ներկայացրեց ՊՊԿ նախագահ Ռ.Քոչարյանը[14]: ԼՂԴ Գիս-ի նախագահության հաշվետվությամբ հանդես եկավ ԼՂԴ Գիս-ի նախագահի պաշտոնակատար Գ.Պետրոսյանը[15]: Նա անդրադարձավ պետականության ծևավորման խնդիրներին, ինչպես նաև նշեց օրենսդիր և գործադիր մարմնների միջև առկա տարածանությունների առարկայական և ենթառարկայական պատճառները[16]:

Մարտի 22-ին աշխատանքները շարունակեց ԼՂԴ առաջին գումարման Գիս-ի առաջին նստաշրջանը: Առավոտից սկսվեց Գիս-ի նախագահի թեկնածությունների առաջադրությունները: Ի վերջո առաջադրվեց 4 թեկնածու: Բորիս Առուշանյան ԼՂԴ Նև-ի փոխնախագահ, Արկադի Մանուչարով ԼՂԴ Գիս-ի պատգամավոր, Լևոն Սելիր-Շահնազարյան ԼՂԴ Գիս-ի մշտական հանձնաժողովի նախագահ և Գրիգոր Յայրապետյան Յաղութի շրջինորդի նախագահ:

Ա.Մանուչարովը և Լ.Սելիր-Շահնազարյանը հանեցին իրենց թեկնածությունները, որից հետո մյուս թեկնածուները ներկայացրին իրենց ծրագրերը: Դրան հետևեց

ՄԵՄՐՈԴ ՄԱՀՏՈՅ ՀԱՍԱՍԱՐԱՆԻ ԼՐԱՏՈՒ 2019

Քվեարկությունը: Արդյունքում Բ.Առուշանյանը հավաքեց 17, իսկ Գ.Յայրապետյանը՝ 20 ձայն: Վերջինս էլ անցավ հաջորդ փուլ, ուր, սակայն, նոր օգտին նորից գրանցվեց 20 ձայն, իսկ ընտրվելու համար անհրաժեշտ էր 27-ը:

Դրամից հետո հնչեցին տարբեր առաջարկներ՝ նախագահության կազմն ընդլայնելուց մինչև Գիւ-ն ընդհանրապես ցրելն ու նոր ընտրություններ անցկացնելը: Որոշվեց անցկացնել քաղաքական տարբեր ուժերի խորհրդատվական հանդիպում փոխվիճան գնալու տարրերակով: Հանդիպումից հետո հայտարարվեց, որ համաձայնությունը է ծեռ բերվել առաջարդել Լ.Սելիք-Շահնազարյանի թեկնածությունը, սակայն թիւ անց պարզվեց, որ այդ պայմանավորվածությունն էլ գործել չի կարող: Իր ելույթում ԼՂԴ Գիւ-ի նախագահի պաշտոնակատար Գ.Պետրոսյանը անհանդուրժելի համարեց ստեղծված կացությունը և, նշելով տարածաշրջանում ու Ուսասատանում քաղաքական գործընթացների սրբնաց զարգացումը՝ կարևորեց նախագահի ընտրության անհրաժշտությունը: Նա հայտնեց, որ հակառակ դեպքում ինքը վաղը հրաժարական կտա:

Որոշում կայացվեց նաև մինչև տարենվերջ ԼՂԴ տարածքում ռազմական դրությունը երկարաձգելու մասին: Նոյն ժամանակով երկարաձգվեց ՊՊԿ-ի գործունեությունը[17]:

Մարտի 23-ին ԼՂԴ Գիւ-ի նախաշրջանում քվեարկության դրվեցին նախագահի պաշտոնի համար առաջարդված 2 թեկնածությունները՝ Լ.Սելիք-Շահնազարյան եւ Վալերի Ալեքսանյան: Քվեարկության առաջին փուլում Լ.Սելիք-Շահնազարյանը ստացավ 18, իսկ Վ.Ալեքսանյանը՝ 20 քվե: Վերջինիս թեկնածությունը դրվեց կրկնակի քվեարկության: Նրա օգտին քվեարկեց 22 պատգամավոր: Այսպիսով ոչ մեկին չհաջողվեց հավաքել ձայնների անհրաժեշտ քանակություն: Գիւ-ի նախաշրջանը որոշեց Գ.Պետրոսյանին թողմել ԼՂԴ Գիւ-ի նախագահի պաշտոնակատար մինչև ապրիլի վերջը, այնուհետև կրկին անդրադառնալ այդ հարցին: Սակայն ապրիլի վերջին քվորում չի հնելու պատճառով այն չկայացավ, որոշում կայացվեց նիստը անցկացնել Գիւ-ի կրկնակի և նոր ընտրությունների անցկացումից հետո: Իսկ կրկնական և նոր ընտրությունները նախատեսված էր անցկացնել 1993թ. մայիսին[18]:

Այսպիսով՝ ուսումնասիրելով պետաշխնարարական գործընթացները և վերլուծելով ստեղծված ներքաղաքական իրավիճակը՝ կարող ենք եզրակացնել, որ ՊՊԿ-ի գործունեությունը թելադրվում էր հիմնավանում Հայաստանի ՀՀԸ-ական իշխանությունների կողմից: Ինչպես նաև նկատեցինք՝ ԼՂԴ պետական ինքնուրույնությունը բանակցային գործընթացում որոշակի չափով էլ սահմանափակվեց, Արցախը գրկվեց որևէ ինքնուրույն քաղաքական քայլ կատարելու հնարավորությունից: Կարծում ենք, որ նաև ՀՀ դեկավարության ազդեցության և հովանավորության հետևանքով խորացվեց ներքին պառակտումը, հետզհետեւ սահմանափակվեց ժողովրդավարական ծևով ընտրված մարմնի՝ Գիւ-ի գործունեությունը, որի կարգավիճակը հետագայում դարձավ ծևական:

Վերջում կարելի նշել, որ հետագայում Գիւ-ի նոր ընտրություններից հետո 1995թ. հունիսի վերջին և հուլիսի սկզբին ԼՂԴ Գիւ նախագահության որոշ «անհնազանդ» անդամներ Լ.ՏերՊետրոսյանի ու նոր իշխանականների հրամանով ձերքակալվեցին[19]: Տարբեր մեղադրականներով ձերքակալվեցին ԼՂԴ Գիւ-ի նախագահի նախկին պաշտոնակատար Գ.Պետրոսյանը, ԼՂԴ Գիւ-ի քարտուղար Գ.Յայրյանը, արտաքին հարաբերությունների հանձնաժողովի նախագահ Լ.Սելիք-Շահնազարյանը, պաշտպանության և անվտանգության հանձնաժողովի նախագահ Բ.Բալայանը: Սակայն մեղադրականների բացակայության պատճառով, անցնելով խոշտանգումների ու ծաղրանքի միջով, վերջիններս բաց թողնվեցին: Մինչդեռ 1994թ. դեկտեմբերին ձերքակալվեց ԼՂԴ Գիւ-ի մամլո քարտուղար Գ.Բաղդասարյանը, որը նոյն բախտին արժանացավ[20]:

ԾԱՆՈԹԱԳՐՈՒԹՅՈՒՆՆԵՐ

1. ԼՂՅ պետական արիստիվ, ֆ. 254, գ. 1, պ. մ. 4, կ. 1, թ. 22-23:
2. Հակոբյան Տ., ԼՂՅ հոչակումը և պետական շինարարության գործընթացը (1991-1994թթ.), Եր., 2011, էջ 123:
3. ԼՂՅ պետարիսիվ, Ֆ.254, գ.1, պ.մ.4, կ.1, թ. 44-47:
4. «Երկիր» 30.10.1992:
5. «Արցախ», 19.12.1992:
6. ԼՂՅ առաջին գումարման ԳԽ քարտուղար, պատմական գիտությունների թեկնածու հանգույցյալ Վ. Հակոբյանի անձնական արիստիվ:
7. ԼՂՅ պետարիսիվ, Ֆ.254, գ.1, պ.մ.7, կ.1, թ. 52-53:
8. «Արցախ», 18.02.1993:
9. «Երկիր», 17.02.1993:
10. ԼՂՅ պետարիսիվ, Ֆ.254, գ.1, պ.մ.7, կ.1, թ. 66-67:
11. Ռելուբարյան Բ., Արցախյան գոյապայքարի տարեգրություն: Եր., 1997. էջ 615:
12. «Երկիր», 23.02.1993:
13. «Երկիր», 19.02.1993:
14. ԼՂՅ պետարիսիվ, Ֆ.254, գ.4, պ.մ.2, կ.1, թ. 41-50:
15. Նույն տեղում, թ. 59-65:
16. «Երկիր», 23.03.1993:
17. Հարությունյան Վ. Բ., Իրադարձություններ Լեռնային Ղարաբաղում, ժամանակագրություն, Վ մաս, Եր., 1997, էջ 47: «Երկիր», 24.03.1993թ.:
18. «Արցախ», 29.04.1993:
19. “Էկոպրես-քրոնիկա”, 22.09.95թ.
20. ԼՂՅ առաջին գումարման ԳԽ քարտուղար, պատմական գիտությունների թեկնածու հանգույցյալ Վ. Հակոբյանի անձնական արիստիվ:

ԱՄՓՈՓԱԳԻՐ

**Լեռնային Ղարաբաղի Հանրապետության Գերագույն խորհրդի և
պաշտպանության պետական կոմիտեի փոխհարաբերությունները
(1992թ. օգոստոս - 1993թ. մարտ)**
Տարոն Հակոբյան

Արցախյան գոյապայքարի այդ ծանր ժամանակահատվածում, թվում էր, թե ՊՊԿ-ի ստեղծումով ԼՂՅ-ում կիանդարտութեին ներքաղաքական հակասությունները, ինչպես նաև կրարելավվեին հարաբերությունները ՀՀ ղեկավարության հետ: Սակայն Ալմա Արայի եւ Սոշիի համաձայնագրերը ցույց տվեցին հակառակը, որ ՀՀ իշխանությունները դեռ չին վստահում ժողովրդավարական հիմունքներով ստեղծված մարմնին: Այդ ամենը պատճառ հաղիսացավ, որ նորից լարվեն փոխհարաբերությունները ԼՂՅ օրենսդիր մարմնի և ՀՀ ղեկավարության միջև: Ստեղծված իրավիճակը անդրադապ նաև ԼՂՅ ներքին կայունության վրա՝ ստեղծելով ներքաղաքական ծայրաստիճան լարված դրություն, որը կարող էր նաև սպառնալից զարգացումից խույս տալու նպատակով, ինչը կարող էր ճակատագրական լինել, ԼՂՅ ԳԽ նախագահությունը փորձեց նորից ուղինել դուրս գալու ստեղծված կացությունից:

РЕЗЮМЕ

**Взаимоотношения Верховного Совета Нагорно-Карабахской республики и
Государственного Комитета Обороны**

(август 1992- март 1993)

Тарон Акопян

Ключевые слова: Верховный Совет НКР, Государственный Комитет Обороны НКР, арцахский конфликт, Совет министров НКР, переговорный процесс, силы самообороны.

В указанный тяжелый период Арцахской борьбы казалось, что с созданием ГКО будут устранены внутриполитические противоречия, а также улучшатся отношения с руководством РА. Однако Алма-Атинские и Сочинские соглашения показали, что власти РА пока не доверяют органу, созданному на демократической основе. Все это стало причиной нового обострения взаимоотношений между законодательным органом НКР и руководством РА. Создавшаяся ситуация отразилась и на внутренней стабильности в НКР, создав крайне напряженную внутриполитическую ситуацию, что могло бы стать угрозой для государственной безопасности страны. Однако с целью предотвращения дальнейшего опасного развития событий, что могло сыграть роковую роль, президиум ВС НКР попытался найти новые пути для выхода из создавшейся ситуации.

SUMMARY

**The Interrelations of the Nagorno-Karabakh Republic Supreme Council and
State Defense Committee (August 1992 – March 1993)**

Taron Hakobyan

Keywords: the NKR Supreme Council, the NKR State Defense Committee, Artsakh conflict, the NKR Council of Ministers, negotiation process, self-defense forces.

In this complicated period of the Artsakh conflict, it seemed that the formation of the State Defense Committee would resolve the internal political contradictions and improve the relations with the authorities of the Republic of Armenia. But the Alma-Ata and Sochi agreements revealed the fact that the RA authorities didn't trust the democratically formed body. It resulted in new aggravations of interrelations between the legislative body of the NKR and the leadership of the RA. The situation affected inner stability of the NKR and created an extremely tensed internal political situation which could threaten the state security. However, having the aim to prevent further dangerous development of the events which could be fatal for the state, the Presidium of the NKR SC tried to find new ways of overcoming the existing situation.